



PRESS RELEASE ASOCIJACIJE ZA UMJETNIČKU FOTOGRAFIJU BiH - # 10 septembar 2015.

IZLOŽBA TREBINJSKOG KLUBA U GACKOM



Foto kino klub Trebinje jedan je od rijetkih foto klubova koji u sklopu svog godišnjeg plana aktivnosti ima projekat prezentacije fotografskog stvaralaštvo sto većem broju ljubitelja fotografije i to ne samo u vlastitoj sredini. Poslije Trebinja, ovogodišnju klupsku izložbu trebinjski klub predstavio je i publici u Gacku.

Ova izložba realizovana je zahvaljujući saradnji sa Kulturno-sportskim centrom u Gacku. Izložba je otvorena 4. septembra u Galeriji Doma kulture u Gacku, kojom prilikom se pozdravnom riječju dobrodošlice prisutnim обратила direktorica Doma kulture Andelka Bojanović. Upoznavši prisutne sa istorijom trebinjskog kluba i samom izložbom izložbu je otvorio Radoje Elez, član i predsjednik Izvršnog odbora kluba. Postavka će biti otvorena do 16. septembra u kom periodu će kako je dogovoren istu posjetiti organizovano učenici osnovnih i srednjih škola, a sve zahvaljujući tradicionalnoj saradnji Doma kulture i ovih školskih ustanova. Ovo je jedna od rijetkih sredina da imamo priliku vidjeti organizovanu saradnju sa obrazovnim ustanovama gdje mladi imaju mogućnost upoznavanja sa kreativnim stvaralaštvom. U koliko sve bude išlo po planu FKK Trebinje će se ovom izložbom predstaviti u još nekim Hercegovačkim opštinama.



TUZLANSKA KULTURA I UMJETNOST NA FOTOGRAFIJI



Tuzla je grad u kojemu se kulturne manifestacije i manifestacije kulture događaju svakodnevno. Veliki broj tih događaja bude zabilježen na fotografijama ili video zapisima, ali te fotografije ili kratki filmovi zauvijek ostaju zatvoreni u nekoj ladici, ili u najboljem slučaju budu na društvenim mrežama, neselektivno izloženi pogledima i kritici. Na žalost, ovoj po-

sebnoj umjetničkoj disciplini se u Tuzli ne prilazi na pravi način. Ovom izložbom Foto kino klub Tuzla želio je na skroman način dati doprinos očuvanju fotografskih zapisa kulturnih događaja u gradu.

Na izložbi su izlagali : Ademir Burgić (2 fotografije), Amar Mehmedinović (5 fotografija), Dario Jurić (1 fotografija), Davor Pavlić (6 fotografija), Edim Turčinović (7 fotografija), Edmond Ibrahimović (4 fotografije), Jasmin Tanović (5 fotografija), Muamer Latifagić (8 fotografija), Robert Andrejaš (6 fotografija), Samir Mujakić (6 fotografija), Senad Huskić (6 fotografija), Senad Pirić (9 fotografija) i Svjetlana Makeš Imamović (6 fotografija).

Izložba je otvorena u Ateljeu Ismet Mujezinović u Tuzli pod nazivom "Tuzlanska kultura i umjetnost na fotografiji i filmu", a izložbu je otvorio član kluba Davor Pavlić.

"Članovi kluba uz fotografе iz medija zabilježili su sve trenutke kulturnih dešavanja u gradu. Autori fotografija dočarali su svojim fotografijama Tuzlu kakvu stanovnici mogu rijetko vidjeti, zato što je raznovrsnost veoma bogata u pogledu na fotografsko bilježenje dešavanja, kazao je Robert Andrejaš, predsjednik Foto kino kluba Tuzla.

U sklopu svečane ceremonije otvaranja izložbe, posjetioci su bili u prilici da pogledaju projekciju filma koncerta klasične muzike, kompozitora Jasmina Osmića.



IZLOŽBA - PROJEKCIJA FOTOGRAFIJA "TUZLA TURISTIČKA ODREDNICA"



Foto kino klub Tuzla (FKKT) je organizator izložbe projekcija fotografija „Tuzla – turistička odrednica 2015.“ Izložba i projekcija svečano je otvorena u arheološkom Sojeničkom naselju u krugu Panonskih jezera u Tuzli, a u okviru kulturnog programa "Ljeto u Tu-

zli". Fotografija kao savremeni oblik komunikacije na ovoj izložbi pružila je jednu novu sliku ljudi, elemenata arhitekture i grada različitu od svakodnevnog pogleda na grad, čije su ambicije u budućnosti postati važan turistički centar u Bosni i Hercegovini.

Fotografije su prezentirali Adin Softić, Dejan Canić, Denis Bašić, Edmond Ibrahimović, Samir Zahirović, Ozren Božanović, Robert Andrejaš, Samir Mujakić, Mustafa Terzić, Edin Jahić, Senka Paunović, Igor Sivjakov, Ismar Salkić, Mustafa Sadiković, Svjetlana Imamović, Vedad Čehajić, Zdenko Derniković, Alen Dobrić, Davor Pavlić, Fahrudin Avdić, Ibrahim Abidinović, Irena Hujdur, Lejla Mujakić, Nada Mučić, Radmir Žilić. Pojedinačne radove izložili su Senad Huskić, Haris Škripić, Mana Kijevac, Noris Sakić, Asja Brkić, Eldar Sijerčić i Faruk Spahić.

Fotografije prezentirane na izložbi dočarali su elemente grada u novom otkrivenom pogledu na vrijednosti Tuzle, koje grad može pružiti putnicima namjernicima i onima koji se žele duže boraviti u gradu.

Producent izložbe bio je Robert Andrejaš, a pokrovitelj izložbe je Grad Tuzla.

I ovoga puta izlišno je trošiti riječi na medijušku podršku ovakvoj vrsti projekata.



SANJA KRNJAJIĆ DOBITNIK ZVANJA FOTOGRAF PRVE KLASE AUFBiH



Umjetnički savjet AUFBiH koji su činili Prole Dragan, Kaš-ćelan Milorad i Mujanović Mirsad, na sjednici održanoj jula mjeseca u Banja Luci na osnovu pozitivno ocjenjene kolekcije fotografija donio je odluku da se Sanja Krnjajić iz Bugojna dodijeli zvanje fotografa prve klase. Sanja Krnjajić rođena je 1966. u Bugojnu. Po zanimanju je prehrambe-na tehnologinja. Zaljubljenica je u putovanja, prirodu i pozorište. Fotografijom prati sve svoje moje ljubavi, bilježi radosti i sjete, posebne trenutke i magične stvari.

Prvi susret sa fotografijom duguje svojoj porodici a posebno ocu koji ju uveo je još kao srednjoškolku u magični svijet fotografije. Prvi fotoaparat, koji je dobila za punoljetstvo, bio je dobri stari Kiev.

Članica je Foto kluba FOT iz Travnika od 2009 godine. Izlagala je na preko 50 izložbi međunarodnog, regionalnog i državnog nivoa, a upriličila i 3 samostalne izložbe. Dobitnik je više nagrada i pohvala.

Sanja Krnjajić je jedna od rijetkih žena fotografa kod nas, kojih je na našu sreću sve više posljednjih godina tako da se i ona pridružila se sve brojnijem frontu uspješnih žena umjetničkih fotografa.



Zimsko ogledalo



Zara

IMPRESSUM

FotoPress je press dodatak časopisu Foto Info koji registrovan kod Ministarstva pravde Federacije BiH pod rednim brojem 653 od 06. 02. 1997.g.
FotoPress uređuju članovi foto kino klubova, foto grupe i sekcija.
www.fotobih.ba - Kontakt e - mail adresa : ozren@bih.net.ba